



Novissima Delflandiæ, Schielandiæ et circumiacentium insularum ut Voornæ, Overflackeæ, Goeree, Iselmondæ, aliarumque tabula

Kaart van het zuidelijk deel van Holland, Marcus Zuerius Boxhorn, 1632

<https://hdl.handle.net/1874/20430>



AMSTELODAMI,
Sumptibus Henrici Hondii.
Anno 1672.

Hol-36

omnem ita excludunt, & hydromilis exhauriunt atque exsiccant, ut terra, quæ nullo ante usui erat, sationi & hominum cultui longe aptissima reddatur. Agri autem istiusmodi, præsertim frumentarij, fertilitate & sæcunditate sua reliquos omnes, testante quotidiana experientia, longo intervallo post se relinquunt.

C A P V T III.

Divisio Hollandiæ. Australis & Septentrionalis. utriusque urbes & termini. Australis striete sumta. Maeslandia. Schielandia. Delpholandia. Rhenolandia. Kinheimaria. unde dicta. Caninesates. eorum situs. Iunij sententia confirmata contra Divæum & Heuterum. Amstelandia. Waeterlandia. Marsaci qui, & unde dicti. Westfrisia. Frisiapones qui, & unde dicti. Goylandia. unde appellata. Sturij qui sint. Iunij sententia confutata. Plinius emendatus. Trajectum an præcipua urbs Hollandiæ. Quæ & quanta olim Trajectensis Episcopi in Hollandia auctoritas.

HOLLANDIA est omnis divisa in suas partes: vulgo quidem à situ in Australem & Septentrionalem. Australis complectitur hæc fere opida, Dordrechtum, omnium caput, Harlemum, Delfum, Leydam, Amstelodamum, Goudam, Rotterodamum, Gorichemum, Schiedamum, Schoonhoviam, Brielam, quibus accedunt Gertrudisberga, Heusda, Worcomium, Viana, Woerda, Oudewatera, IJelsteinium, Assera, Heuclomum, Leerdamum, Naerda, Wesopum, Muda. Septentrionali tribuuntur Alcmaria, Horna, Enchusa, Edamum, Monachodamum, Medenblicura, & Purmerenda. Observandum tamen est, Harlemum atque Amstelodamum, ratione juris ac regiminis Ecclesiastici, Septentrionali Hollandiæ adcerseri. Synodi enim, ad quas frequentes Sacrorum Ministri confluere solent, in

utraque Hollandia quotannis semel celebrantur. In his illa, quæ Rempubicam Ecclesiasticam, atque ortas in ea lites & controversias spectant, communibus omnium suffragiis discutantur. Hollandiæ autem Australis & Septentrionalis incolæ ut sedibus, ita lingua quoque, legibus, habitu ac vivendi instituto haud parum inter se distant. Hollandia etiam in Australem, Maeslandiam, Schielandiam, Delpholandiam, Rhenolandiam, Kermerlandiam, Goylandiam, Amstelandiam, Westfrisiam, & Waeterlandiam dividitur. Australis quidem, vocabulo ejus striete sumto, Insulas, Dordracensem, Ablasterdamensem, Clunderam, cum territoriis Viana, Gorichemo, Leerdamo, Altena, Heusda, Gertrudisberga, Sevenberga, & circumiacentibus nonnullis regiunculis, quas nobis ista Hollandiæ Tabula exhibet, complectitur.